

ԱՐԵՎԵԼՅԱՆ ՀԱՅԱՍՏԱՆԻ ՄԻԱՑՈՒՄԸ ՌՈՒՍԱՍՏԱՆԻՆ

(Միացման 140-ամյակի առթիվ)

Վ. Կ. ՈՍԿԱՆՅԱՆ

Դեռևս XV դարից սկիզբ առած հայ-ռուսական և վրաց-ռուսական կապերի հետագա ամրապնդումը XVII դարում հասցնում է մերձեցման նոր աստիճանի, երբ ազատագրական շարժման բախտը անվերադարձորեն կապվում է Ռուսաստանի հետ, նրա քաղաքական ու ռազմական օգնության հետ:

Պետրոս 1-ի ժամանակ Ռուսաստանը բացահայտ կերպով կանգնում է հայերին օգնելու և նրանց ազատագրությանը ռազմական միջոցներով նպաստելու ճանապարհին: Ակնհայտ ու անվիճելի է դառնում նաև հայերի ու վրացիների ազատագրական շարժման ռուսական կողմնորոշումը: Դեպքերի հետագա զարգացումը շարունակությունը եղավ այն դիտավոր դժի, այն մայրուղու, որի վրա կանգնել էին մեր ժողովուրդների շահերն արտահայտող գործիչները դեռևս XVII դարից սկսած: Հայ հայրենասեր գործիչները XVIII դարի երկրորդ կեսից նորից ծավալեցին համառ պայքար հայրենիքի ազատագրման համար, սերտ կապերի մեջ մտնելով տարեցտարի հզորացող ռուսական պետության հետ:

Հայ ժողովրդի բազմադարյան պատմության մեջ առանձնահատուկ նշանակություն ստացավ XIX դարի առաջին երեսնամյակը, երբ վերջնականապես լուծվեց Անդրկովկասի Ռուսաստանին միացման և նրա հետագա զարգացման հարցը:

1801 թ. ռուսական կայսրության կազմի մեջ մտավ Վրաստանը, որտեղ դարեր շարունակ ապրող հարյուր հազարավոր հայեր ազատվեցին պարսկական լծից և վրացիների հետ միասին իրենց բախտը կապեցին ռուս ժողովրդի և նրա հզոր պետության հետ:

Սակայն շահական և սուլթանական արքունիքները չէին ուզում հաշտվել Ռուսաստանի դեպի Անդրկովկաս առաջխաղացման հետ և արևմտաեվրոպական պետությունների հորդորանքներով պատերազմի էին պատրաստվում, հուսալով վերստին տիրանալ Վրաստանին և հավերժացնել իրենց տիրապետությունը Անդրկովկասի ժողովուրդների և այդ թվում՝ հայերի վրա:

Բոլորովին հաշվի չառնելով պարսից տիրապետությունից ազատվելու և ռուսական պրոտեկտորատի տակ մտնելու Վրաստանի ձգտումները և «անօրինական» համարելով նրա կամավոր միացումը Ռուսաստանին, շահը 1804 թ. մայիսի 23-ին ուտիմատում ներկայացրեց՝ պահանջելով Վրաստանից դուրս բերել ռուսական զորքերը: Սկսվեցին պատերազմական գործողությունները, որոնք շարունակվեցին 9 տարի: Օգտվելով Ռուսաստանի միջազգային դրության լարվածությունից (պատերազմ Նապոլեոնի դեմ, ժանր պարտություն Աուստերլիցի ճակատամարտում, պատերազմ Պարսկաստանի հետ և այլն), 1806 թ. Թուրքիայի Բարձր դուռը, ուխտադրժորեն խախտելով մի տարի առաջ

կնքած խաղաղության պայմանագիրը և այն չեղյալ հայտարարելով, պատերազմ սկսեց, հուսալով նապոլեոնական Ֆրանսիայի օգնությամբ նորից տիրանալ Ղրիմին և Վրաստանի ձեռնարկին:

Ինչպես հայտնի է, 1804—1813 թթ. ռուս-պարսկական և 1806—1812 թթ. ռուս-թուրքական պատերազմներն ավարտվեցին Պարսկաստանի և Թուրքիայի քաղաքական ու ռազմական լիակատար պարտությամբ: Բուխարեստի դաշնագրով Ռուսաստանին միացվեց Արևմտյան Վրաստանը (իսկ Բալկաններում՝ Բեսարաբիան): Գյուլիստանի պայմանագրով Հանաչվեց Կասպից ծովում նավատորմ պահելու Ռուսաստանի իրավունքը և Վրաստանի, Դաղստանի, Ղարաբաղի, Շաքիի, Բաքվի, Լոռի-Փամբակի, Շամշադինի, Ջանդեղուրի ու Շոքրադյալի միացումը Ռուսաստանին: Անդրկովկասի ժողովուրդների, այդ թվում հայերի, հսկայական դանդաղություններ աղաղակեցին արևելյան բռնակալական լծից և ամրապնդվեց հայության մյուս մասի հավատը իրենց մոտալուտ ազատագրության նկատմամբ: Ռուսական կողմնորոշման վառ արտահայտություն էր հայերի, վրացիների ու ադրբեջանցիների եռանդուն օգնությունը ռուսական բանակին, որի հաղթարշավը խուճապի էր մատնել ինչպես Թուրքիայի ու Պարսկաստանի, այնպես և արևմտաեվրոպական պետությունների կառավարող շրջաններին: Նրանք փորձում էին սեպ խրել Կովկասի ու Ռուսաստանի միջև և սպասում էին հարմար առիթի՝ նոր պատերազմների համար:

Անդր-Ֆրանսիական դիվանագիտության սադրանքներով պարսից արքունիքը փորձեց օգտվել 1825 թ. Ռուսաստանում ստեղծված լարված քաղաքական դրությունից և սկսեց 1826—1828 թթ. պատերազմը՝ անսպասելի հարձակում կազմակերպելով Ղարաբաղի կայազորի, ապա նաև Թիֆլիսի վրա: Ռուսները շուտով անցան հակահարձակման և ոչ միայն մեծ կորուստներ պատճառեցին Արաս-Միդղայի 60 հազարանոց բանակին, այլև արագորեն առաջ շարժվեցին, մոտենալով Երևանի մատույցներին: Բախտորոշ հզան Պարսկաստանի անդրկովկասյան տիրապետության միջնաբերդ հանդիսացող Երևանի համար մղված մարտերը, որոնք պսակվեցին հաղթանակով 1827 թ. հոկտեմբերի 1-ին և վճռեցին պատերազմի ելքը: Ջարդացնելով հաջող հարձակումը և զրավելով Թավրիզը, ռուսներն սպիտակեցին պարսից զորքին նահանջել: 1828 թ. փետրվարի 10-ին կնքվեց Թուրքմենչայի պայմանագիրը, որի համաձայն Երևանի ու Նախիջևանի խանությունները միացվեցին Ռուսաստանին և օրինականացվեց ողջ Անդրկովկասի վրա ռուսական իշխանությունը: Պարսկաստանը մեկընդմիջտ հրաժարվեց Անդրկովկասի նկատմամբ ունեցած իր հավակնություններից, որից հետո սկսվեց ռուս-պարսկական հարաբերությունների դարդացման նոր ու խաղաղ ժամանակաշրջան:

Սակայն այս բարիդրացիական փոխհարաբերությունները ձեռնտու չէին ո՛չ թուրքական և ո՛չ էլ արևմտյան երկրների իշխող դասակարգերին:

Բալկանյան երկրներում ուժեղացող ազատագրական շարժումների նոր ալիքը քաղաքակիրթ աշխարհի առաջ բարձրացնում էր «Արևելյան հարցը», որն իր ծագման սկզբից իսկ դարձել էր աշխարհի հզորների դժբերդ կարգավորելու միջոց: Բալկանյան և Կովկասյան ժողովուրդներին թուրքական լծից ազատելու գործադիմ կարող էր լինել Ռուսաստանը, որի մեջ նրանք տեսնում էին «իրենց միակ հենարանը, իրենց ազատարարին, իրենց մեսիային»:

1 К. Маркс и Ф. Энгельс, Сочинения, т. IX, էջ 389—394:

1828—1829 թթ. ռուս-թուրքական պատերազմը նոր հաղթանակներ բերեց Ռուսաստանին: Անգլիայի ու Ֆրանսիայի խորհուրդներով սուլթան Մահմեդ II-ր շտապեց հաշտություն խնդրել՝ վերջնական ջախջախումից խուսափելու և օսմանյան կայսրության խարխլած շենքը վերահաս փլուզումից փրկելու համար: 1829 թ. սեպտեմբերի 2-ին (14-ին) կնքվեց Ադրիանապոլսի պայմանագիրը, որը օրինականացրեց Հունաստանի անկախացումը, ընդլայնեց Մոլդավիայի, Վալախիայի ու Սերբիայի ինքնավարությունը: Այս ամենը զգալիորեն բարելավում էին հիշյալ ժողովուրդների տնտեսական, քաղաքական ու կուլտուրական կյանքի պայմանները, ազատում կրոնական ու ազգային ճնշումներից:

Հասկանալի է, որ նույնքան բարելավվում էր նաև Բալկանների ազատագրված երկրներում՝ Հունաստանում, Մոլդավիայում ու Վալախիայում դարեր շարունակ բնակվող բազմահազար հայերի վիճակը, որոնք բարիդրացիական հարաբերությունների մեջ էին վաղուց ի վեր իրենց հյուրընկալող եղբայրական ժողովուրդների հետ: Նշաճակալի էր Ադրիանապոլսի դաշնագրի նշանակությունը կովկասահայ զանգվածների համար, քանի որ դրանով Ռուսաստանի իշխանության տակ անցան Ախալքալաքը, Ախալցխան, Սև ծովի արևելյան ափերը՝ Անապայից մինչև Փոթի: Ադրիանապոլսի դաշնագրով Թուրքիան ձախճեց Թուրքմենչայի պայմանագրով ձևակերպված Արևելյան Հայաստանի միացումը Ռուսաստանին, որով ստեղծվել էր հզոր սլետության հովանու տակ հայահավաքման և ազգային համախմբման մի կենտրոն:

Այսպիսով, XIX դ. առաջին երեսնամյակի ռուս-թուրքական ու ռուս-պարսկական պատերազմների հետևանքով Անդրկովկասը միացվեց Ռուսաստանին և հայ ժողովրդի պատմության մեջ սկսվեց նոր դարագլուխ, Ռուսաստանի կազմում նոր ճանապարհով ընթանալու ժամանակաշրջան: Պատահական չէ, որ բնակչության բոլոր շերտերը հակված էին դեպի Ռուսաստան, նրա զորքին ցույց էին տալիս հնարավոր նյութական օգնություն, զենք ու մթերք հասցնում, ստեղծում կամավորական ջոկատներ, ռուսների հետ կողք-կողքի կռվում թուրք և պարսիկ զորքերի դեմ:

Ի՞նչ բերեց ռուսական տիրապետությունը հայ ժողովրդի արևելյան հատվածին, ի՞նչ հեռանկարներ էին կապում Ռուսաստանի հետ հայերը և հայ ազատագրական շարժման գործիչները: Ռուսական պետության շահերը պահանջում էին ապահովել երկրի հարավային սահմանները Թուրքիայի, Պարսկաստանի, Ղրիմի ու Կովկասի նրանց վասալների հարձակումներից, Անդրկովկասում ստեղծել ամուր ու վստահելի պլացդարմ՝ հենվելով հայերի ու վրացիների վրա: Ռուսական զինվորին մշտապես ներշնչում էր այն միտքը, որ նա կռվում է քրիստոնյա ժողովուրդների ազատագրության համար: Նմանօրինակ էր ռուս ժողովրդի առաջադիմական գործիչների ու մտավորականության կարծիքն ու տրամադրությունը: Դրանում համոզվել էին ռուսահայ գաղթավայրերի բնակիչները Մոսկվայում, Աստրախանում, Կադանում, Ղզլարում, Պետերբուրգում, Նոր Նախիջևանում, որոնք ստացել էին առանձնաշնորհումներ, արտոնություններ, կրոնական ազատություն, որոշ ինքնավարություն, սեփական դատարան, հայկական դատաստանագրքով ղեկավարվելու իրավունք: Թեպետ ցարական կառավարությունը Անդրկովկասում հետապնդում էր արևելքում քաղաքական ու ռազմական պլացդարմ ստեղծելու և երկրներ գրավելու ակնհայտ նպատակներ, թեպետ հայերին ու վրացիներին ազատագրելու կոչերը միայն միջոց էին

(և ոչ նպատակ), այնուամենայնիվ ռուսական հաղթարշավը լիովին համընկնում էր հայ ժողովրդի շահերին և փրկարար դեր էր խաղում նրա կյանքում: Դա ազատագրման միակ հնարավոր ու իրական ճանապարհն էր, հյուսիսափայլով լուսավորված մայրուղին, որով գալիս էր ռուսը՝ իր հետ բերելով կյանքի, գույքի ու պատվի փրկության պայմաններ: Ռուսական զորքերը Վրաստան ու Հայաստան գալիս էին ոչ թե որպես անկող հյուրեր, այլ որպես բարեկամներ ու ազատարարներ: Ինչպես գեոեա 1846 թ. գրում էր մեծ հեղափոխական-դեմոկրատ Ն. Գ. Չերնիշևսկին, «քաղաքական պատմության մեջ ռուսները հանդես են եկել ոչ թե այնպես, ինչպես հոսներն ու մոնղոլները, այլ որպես փրկարարներ, փրկարարներ թաթար-մոնղոլական լծից»²:

Հասկանալի է, որ ռուս-թուրքական և ռուս-պարսկական պատերազմներում միանգամայն տարբեր էին ժողովրդի ու զինվորների, ցարի, հողատերերի և կապիտալիստների նպատակներն ու գործողության մեթոդները: «Բոլոր նրանք,— գրում է Հերցենը,— ուլթեր չեն կարողանում տարբերել ռուսական կառավարությունը ռուս ժողովրդից՝ ոչինչ չեն հասկանում»³: Բայց մեր քրննած խնդրի համար այս քիչ է, պետք է շեշտել, որ հայերի համար նույնը չեն եղել ցարն ու սուլթանը, ցարն ու շահը, առավել ևս՝ ռուսական պետությունն ու թուրք ու պարսիկ պետությունները: Նրանց նպատակները և հայերի նկատմամբ ցուցաբերած վերաբերմունքը: Եթե ռուսական պետության օրյակտիվ շահերը պահանջում էին շարժվել դեպի արևելք՝ հենվելով թուրք ու պարսկական տիրողների բռնապետության տակ հեծող ժողովուրդների վրա, ապա շահական ու սուլթանական իշխանությունների շահերը պահանջում էին ոչնչացնել այդ օպոդիցիոն ուժերը: Եվ այս ձգտումները իրենց խորանիստ կնիքն էին դրել հիշյալ երկրների ու պետությունների դարավոր քաղաքականության վրա՝ ուրեմն և ժողովուրդների հոգեբանության ու աշխարհայեցողության վրա: Ծիշտ է, քաղաքականությունը վարում էին իշխող դասերն ու դասակարգերը, Ալեքսանդր I-ը և Նիկոլայ «Պալկինը»: Նիկոլայը, անձամբ դատաստան տեսնելով ռուս հեղափոխականների հետ, որոշել էր դեկարիտական շարժման հաղթարավոր «մեղսակիցներին» ուղարկել Կովկասյան ձակառի ամենավտանգավոր տեղամասերը՝ հետապնդելով կրկնակի նպատակ. նախ՝ օգտագործել հմուտ ու քաջ զինվորականներին պատերազմի հաջող ընթացքն ապահովելու համար, ապա և ազատվել այդ համառ ու վտանգավոր ազնվականական հեղափոխականներից: Բայց պատմություն կերտող զինվորն ու ժողովուրդը յուրովի էին ըմբռնում ու վերաբերվում այդ քաղաքականությանը, պատերազմի ընթացքում ծագող ռազմական, տնտեսական, ազգային ու կուլտուրական այլադան հարցերին: Երբ թերթում ևս Հայաստանը Թուրքական ու պարսկական լծից ազատելու համար մղված պայքարի տարեգրությունը, խորապես հասկանում ևս այն մեծ ու նվիրական դերը, որ կատարել են ժողովուրդները, նրանց բարեկամական համագործակցությունը վերջին դարերի ընթացքում, մասնավորապես Անդրկովկասը Ռուսաստանին միացնելու ժամանակաշրջանում: Այդ մասին Մուկվաչի, Լենինգրադի, Քրիլիսիի և այլ արխիվներից բաղմաթիվ ուշագրավ փաստաթղթեր արդեն հայտնաբերվել ու հրապարակվել են⁴: Բավական է

² Н. Г. Чернышевский. Литературное наследие, т. II, 1928, էջ 44:

³ Герцен, Сочинения, т. VII, էջ 257:

⁴ Մ. Կ. Ներսիսյան, Դեկարիտները Հայաստանում, Ե., 1958: Նույնի՝ Из истории русско-армянских отношений, т. I, 1956, т. II, 1960:

Հիշել դեկաբրիստական շարժման ակտիվ մասնակիցներից կազմված զորամասերի հերոսական կռիվները, Երևանի գրոհները և ազատագրությունը, հայերի նկատմամբ ցուցաբերած ջերմ վերաբերմունքը, որպեսզի Հայաստանում ռուսների վարած կռիվները համարվեն ազատագրական պատերազմ։ Մեծ գրող Դրիբոնդովը, պատերազմի մասնակիցն ու հեղինակավոր ականատեսը իր օրագրում նշում է, որ իրենց այս պատերազմը «ամենամարգասիրական պատերազմն է»⁵ և որ ազատագրվող հայերը նույնպես այն ընկալում են որպես այդպիսին, ռուսների հաղթանակի և Հայաստանի նվաճման համար արտահայտությունը «անցյալում չտեսնված նվաճվածների ուրախությունը»⁶։ Այս բոլորը հիանալի ձևով արտահայտված է նաև Երևանի ու Հայաստանի ազատագրման կռիվների մասնակից դեկաբրիստ Լաչինովի «Օրագրություններում»⁷։ «Երեթե բոլոր բնակիչները փակված էին բերդում,—գրում է նա— Աննկարագրելի են ուրախության այն հուզիչ տեսարանները, որոնցով դիմավորում էին մեզ հայկական ընտանիքները... Բավական է պատկերացնել այնշարժման ժամանակ նրանց դժբախտ վիճակը, որպեսզի հավատանք նրանց արտահայտած հիացումների անկեղծությանը»⁸։ Ինչ վերաբերում է ադրբեջանական բնակչությանը՝ մահամեղականներին, որոնք սկզբում «ծուռ էին նայում», արտահայտում վախ ու կասկած, շուտով համոզվեցին, որ սխալ են. «նրանք անգամ երեկայել չէին կարող, որ թշնամական բանակը՝ փոխանակ թալանի համար վրա պրծնելու, ջանք էր թափում հանդարտությունը վերականգնելու և համաքաղաքացի թալանչիներից բնակիչների պաշտպանության համար։ Մի քանի օր է անցել, ձեռնարկվել են բոլոր միջոցները յուրաքանչյուրի սեփականության ապահովության համար... Բնակիչները միջունների նման ցրվեցին, որպեսզի օգտագործեն բարենպաստ եղանակի վերջերս՝ իրենց գործերն ավարտելու համար... Հաճելի էր տեսնել կյանք ու գործունեություն այնտեղ, որտեղ քիչ առաջ թագավորում էր ավերածությունը»։ «Խաղաղասիրական վերաբերմունքը, խելամիտ ձեռնարկումները քիչ-քիչ մեղմում էին մահամեղականների ատելությունը... Ինչ վերաբերում է հայերին՝ ապա կարելի է վճռականորեն ասել, որ նրանք անկեղծությամբ նվիրված են ռուսներին... Բայց ես իմ դատողությունները հիմնում եմ ոչ թե հավաստիացումների վրա, այլ ներկայացնում եմ այնպիսի ապացույցներ, որոնց հերքում հազիվ թե հնարավոր լինի գտնել... Իրենց համար ուրախալի իրադարձության մասին հարազատների խոսակցությունները մանկիկներին ներարկում են սեր դեպի ռուսները»⁹։

Լաչինովը կարծես արտահայտում է ռուս դեկաբրիստների, զինվորների ու լուսամիտ սպանների խոհերն ու զգացումները, երբ գրում էր. «Եվ այս անապատային երկրում, ուրախությունների այս գերեզմանում մենք, հայրենիքից, մեզ համար սիրելի ու թանկարժեք ամեն բանից հեռացածներս հաճույք ենք ստանում այդ բույսերին, որոնց կնախանձեին անգամ բախտից առավել սիրված երեսառածները»¹⁰։ Այսպես, տանջվածներին պրկելու սրբազան ձգտում-

5 Ա. Ս. Գրիբոեդով, Ճանապարհորդական նոթեր, Երևան, 1945, էջ 61։

6 А. С. Грибоедов, Сочинения, СПб., 1889, т. I, էջ 124։

7 См. М. Г. Персиян, Декабрист Е. Лачинов и его записки об Армении (Из истории русско-армянских отношений), т. I, էջ 312—397)։

8 Նույն տեղում, էջ 359։

9 Նույն տեղում, էջ 360—361։

10 Նույն տեղում, էջ 375։

ներով ու մարդասիրական սկզբունքներով էին առաջնորդվում, իրենց տրված հանձնարարությունները կատարում ղեկաբրիստ ուսաները, ղինվորների մասսան, նշանավոր դործիչները՝ Գրիբոնդովն ու Լաչինովը, Դենիս Դավիդովն ու Երմոլովը, Կրասովսկին և շատ ուրիշներ։ Նրանք դործակցում էին հայերի հետ, հաշվի առնում նրանց կարծիքներն ու պահանջները, օգնում և ստանում նրանց օգնությունը։

Անդրկովկասի և Արևելյան Հայաստանի ազատագրությունն ու միացումը Ռուսաստանին շրջադարձային նշանակություն ունեին հայ ժողովրդի համար և այդ լավ հասկանում ու բարձր էին գնահատում հայ դործիչները, հայ առաջավոր մարդիկ, որոնք ելնում էին հայ ժողովրդի ընդհանուր և այս կամ այն շերտի ու դասակարգի շահերից։ Պարզ էր սակայն, որ օտար լծից ազատվելը անհրաժեշտություն էր բոլոր դանգվածների, ինչպես և զաղութահայության համար, որից ամեն դասակարգ ու շերտ կուղենար օգտվել առավելագույն շահով։ Ազատագրական շարժման և Արևելյան Հայաստանի Ռուսաստանին միացնելու ժամանակաշրջանում վարվող պատերազմներում անվերապահորեն Ռուսաստանի կողմն էին և՛ Հայաստանի, և՛ հայ զաղթավայրերի բնակիչները. որոնք հնարավոր օգնություն էին հասցնում ճակատին, ստեղծում կամավորական ջոկատներ, կազմակերպում հանգանակություններ և այլն։ Նապոլեոնի 1812 թ. արշավանքի և ռուս-պարսկական պատերազմի ժանր պահին, երբ ռեակցիոն իշխանները փորձում էին օտարների սադրանքներով ապստամբել ռուսական տիրապետության դեմ, հայերը և վրաց ժողովրդի լայն զանգվածները հավատարիմ մնացին իրենց ազատագրության ծրագրին և թույլ չտվին Անդրկովկասն անջատել Ռուսաստանից։ Ալեքսանդր կայսրը Բոհեմիայից հղած իր հատուկ հրովարտակով շնորհակալություն էր հայտնում Վրաստանի հայերին՝ Ռուսաստանին նվիրվածության համար, նշելով, որ «նրանք աչքի էին ընկնում օրինակելի հաստատակամությամբ ու նվիրվածությամբ այն ժամանակ, երբ թեթևամտությունն ու ամբարիշտությունը փորձում էին երերել մեր կողմից վրաստանում հաստատած հանգստությունը...»¹¹։

Հասկանալի է, որ հայերը ամենուրեք սպասում էին ռուսների հաղթանակին ու ողջունում այն, ցանկանում անցնել ռուսական տիրապետության տակ։ Դեռևս 1806 թ. գեներալ Նեսլետաևին հաղորդում են, որ «Բայազետից մոտ 10000 հայեր ուղում են անցնել Ռուսաստանի իշխանության տակ»¹²։ Նմանօրինակ ցանկություն էին հայտնել Երմոլովին Երևանի խանության հայ բնակիչները¹³։ Բաղմաթիվ ղիմումներ են անում 1820-ական թթ. արևմտահայերը¹⁴։ Դեռևս պատերազմի պահին հեռատես դործիչները վառ հույսերով էին նայում հայոց ապագային։ Դեկաբրիստ Լաչինովը անկեղծորեն ուրախանում էր, որ հայերը ոչ միայն փրկվում էին վերահաս կորստից, այլև սրա համար, որ զալիս էր հայ մշակույթի «վերածննդի ժամանակը և մի քանի դար շարունակվող խռովահույզ քնից հետո կարող է Հայաստանի համար փայլել ծաղկման դարը

¹¹ М. Г. Нерсисян, Из истории..., т. I, էջ 153—155։

¹² *Տե՛ս* Акты, собранные Кавказскою археографическою комиссией, т. III, փաստաթուղթ № 917։

¹³ Н. Дубровин, История войн и владычества русских на Кавказе, т. IV, СПб, 1888, էջ 243։

¹⁴ *Տե՛ս* Մ. Ներսիսյան, Հայ ժողովրդի ազատագրական պայքարը թուրքական բռնապետության դեմ, 1955, Ե. էջ 351—353։

այն գիտությունների, արհեստների ու արվեստների, որոնց հնագույն հուշարձանները այնպիսի առատությամբ սփռված են Երևանյան մարզում և մինչև այժմ էլ ապշեցնում են դիտողներին»¹⁵։ Ոգևորությունը, հույսն ու հավատը հայ ժողովրդի ազատագրության նկատմամբ համընդհանուր էր։ Հայ գրող Մեսրոպ Թադիադյանը հեռավոր Հնդկաստանից ողջունեց Երևանի ազատագրումը, այն համարելով ավելի մեծ բախտավորություն, քան Արշակունիների թագավորությունը։ Իր նամակում նա գրում է. «Աչքներդ լույս, որ քաղցր աշխարհն պարսից դառն չարչարանքներից ազատվեց»¹⁶։ Կալկաթայում արտասանած իր ճառում Թադիադյանը այդ պատմական ակտը բնութագրեց որպես «ազատություն հայոց աշխարհին»¹⁷։ Գոհունակություն էին հայտնում հայերը Պետերբուրգից, Ն. Նախիջևանից, Աստրախանից։ Ռուս զորքերի հաղթանակը նոր Նախիջևանում նշանավորվում է եկեղեցիներում մաղթանքներ կատարելով¹⁸։ Երևանի ազատագրման կապակցությամբ 1827 թ. նոյեմբերին Աստրախանից Ն. Աշտարակեցուն շնորհավորական է ուղարկում Սիմեոն Սարգսյան Իվանովը։ Նա գրում է. «Ուրախայի համբաւ յաղթութեան քաջամարդ ղօրացն ռուսաց հասեալ այսր, լցոյց զամենեսին խնդութեամբ ի սիրո և հողի, մինչ լուաք, թէ սրովն ռուսաց յիշխանութենէ բարբարոսացն պարսկաց ազատեցաւ Հինն Նախիջևան, Երևան և Թաւրեղ...»¹⁹։ Աշտարակեցուն Պետերբուրգից շնորհավորանք է հղում խաչատուր Լադարեր։ Մասնվել վարդապետ Կյումուշխանեցին ջերմորեն խոսում էր հայրենիքին տրված ազատության մասին, ազատություն, որ բերել էր ռուս ցարի «խոհական կառավարությունն» ու «քաջ ասպետությամբ պայծառափայլ Երևանու Ղրաֆ» Ի. Ֆ. Պասկևիչը²⁰։ Համահնչուն էին նաև այլ գործիչների գնահատականները։ Բնական է, որ հայ գործիչները շնորհակալական խոսք էին հղում ռուս կայսրին և գրաֆ Պասկևիչին (որոնց հրամաններով էին առաջնորդվում ռուս զորքերը), չուզելով ու չկարողանալով տարբերել պետությունը ժողովրդից, Պասկևիչին՝ զինվորից։

Հայտնի է, որ Մադրասի հայերը Հնդկաստանի հեռաստանից ողջունում էին, ուրախություն հայտնում, որ «Արարատյան երկիրը դարավոր նախաթոռ էջմիածնի վանքի հետ մեկտեղ գտնվում է Ռուսաստանի սահմաններում»²¹։ Մադրասից մի այլ նամակում նույնպես գոհունակությամբ շեշտվում է այն, որ իրենք երկար սպասումներից հետո ստացել են «Հին Հայաստանի Ռուսաստանին միացնելու մասին բարի լուրը»²²։ Ներսես Աշտարակեցուն հասցեագրված նամակներում մի շարք հայ գործիչներ տալիս են նման գնահատականներ։ Թե ինչքան էին նախընտրում թեկուզ և ավերված ու քարքարոտ Արևելյան Հայաս-

¹⁵ М. Г. Персиян, Из истории..., т. I, էջ 233։

¹⁶ «Կենսագրութիւն Մեսրոպայ Դավթեան Թադիադեանց Երևանցւոյ...», Թիֆլիս, 1886, էջ 133։

¹⁷ Տե՛ս «Ցուցակ վասն ամի տեառն 1829», տպագրեալ ի գործատուն Մարդասիրական ճեմարանի ի Կալկաթայ, էջ 248։

¹⁸ Վ. Բ. Բարխուդարյան, Նոր Նախիջևանի հայկական դաղութի պատմություն, Երեւան, 1967, էջ 314։

¹⁹ Ա. Ադամյան, Վավերագրեր հայ և ռուս ժողովուրդների բարեկամական կապերի. «Բանրիւր Հայաստանի արխիվների», 1961, № 1, էջ 115։

²⁰ Տե՛ս «Պատմութիւն անցից անցելոյ Սեւանոյ վանոց, արարեալ Մանուել վարդապետի Կիւմուշխանեցւոյ ի 1830 ամի ի Սեւան», 1871, Վաղարշապատ, էջ 2։

²¹ «Собрание актов, относящихся к обозрению истории армянского народа», т. I, էջ 301։

²² Նույն տեղում, մաս III, էջ 382 (ընդգծումները մերն են — Վ. Ռ.)։

տանը Արևմտյանից, այդ երևում է Պարսկաստանից ու Թուրքիայից գաղթել ցանկացողների դիմումներից: Ա. Բևստուժեր գրում է, որ շնայած Ատրպատականի հայերի ներգաղթի զարհուրելի դժվարություններին և լաղարեին տված առաջադրանքին՝ վերաբնակեցնել 30000 մարդ, ցանկություն էին հայտնել 90000: Այդ տրամադրությունները քաջ հայտնի էին լաղարեին, որը ներգաղթի կազմակերպումն իրեն հանձնարարելու կապակցությամբ Պասկեիչին շնորհակալություն է հայտնում. «Ձերդ պայծառափայլության կողմից այդքան հաճելի հանձնարարությունը ինձ համար՝ որպես ուսուսկան սպայի, մեծ պատիվ է, իսկ որպես հայի՝ կատարյալ բախտավորություն»²⁴:

Արևելյան Հայաստանի միացման հենց առաջին օրերից, մասնավորապես գաղթի կազմակերպումից պարզ դարձան երկու Ռուսաստանի դիրքերը: Եթե առաջադեմ ուս գործիչներն ուղում էին ամեն բան անել հայերի, մասնավորապես ներգաղթողների վիճակը բարելավելու համար, ապա կայսերական արքունիքն ու նրա դրածոները զարմացնում էին իրենց անտարբերությամբ ու անհոգությամբ: Նույն Բևստուժեր գատապարտում է իշխանություններին, որոնք հայերին բերելու համար «ոչ մի պատրաստություն չէին տեսել», թեև խոստացել էին «ոսկու սարեր»: «Նրանց հատկացրին սպանիչ կլիմա ու անպըտուղ հող ունեցող վայրեր և դրա հետ մեկտեղ աննշան դրամական օգնություն՝ այն էլ մի մասին: Նրանց կեսը մահացավ, քառորդը ցիրուցան եղավ, վերջին քառորդը օտարության մեջ քարշ է տալիս իր աղետալի դոյությունը... Իսկապես ամոթ է ու ծիծաղելի այդ մասին խոսելը»²⁵:

Ինչքան էլ կիսակատար մնային սպասումներն ու խոստումները, ինչքան էլ ծանր լինեի ցարիզմի գաղութային քաղաքականությունը, դրանք ոչ մի չափով չեն կարող նսեմացնել Հայաստանի արևելյան մասի ազատագրության հսկայական նշանակությունը: Այդ է ասում անցյալի 140 տարին, այդ հստակորեն բնութագրել են հայ խոշորագույն մտածողներն ու գործիչները՝ սկսած Խաչատուր Աբովյանից ու Միքայել Նալբանդյանից մինչև Հովհաննես Թումանյանն ու Ստեփան Շահումյանը: Խ. Աբովյանը իր անմահ վեպում բաղմակողմանիորեն վերլուծել է Հայաստանի վիճակը, նրա ազատագրության պատմությունը, նրա հեռանկարները: Լճովյանը կրկին ու կրկին հիշեցնում է հայերի վիճակը պարսից բռնակալների քմահաճ ու անմարդկային տիրապետության տակ. «Դատաստան չկա, իրավունք չկա, ու հայ ազդն էլ էնքան էսպես ցավեր տեսել էր, մեկ օր խոսքը մին չէր ըլում, որ իր գլուխն աղատի: Աղջիկն ասես՝ քաշում էին, տղեն ասես՝ տանում, շատ անգամ թուրքացնում, հավատից հանում, շատ անգամ էլ գլուխը կտրում, էրում, նահաւտակում: Ոչ տունն է իրանը, ոչ մալը, ոչ ապրանքը, ոչ ջանը, ոչ օղլուշաղը»²⁶: Դրա համար է, որ հայերը պիտի կռվեին ու կռվում էին պարսիկների դեմ, «իրենց արինն էին տալի, եղո՛րենց քաղաքն ու օղլուշաղը: Ռուսաց՝ ընդհակառակը, բանալիքն էին ընծայում, եղո՛րենց տունն ու ընտանիքը»²⁷:

²³ М. Г. Н е р с и с я н, Из истории..., т. II, էջ 289—290.

²⁴ «Собрание актов», ч. II, էջ 160.

²⁵ «Русский вестник», т. 32, էջ 335: Բերվում է ըստ ներսիսյանի՝ Из истории русско-армянских отношений գրքի, էջ 289—290.

²⁶ Խ. Աբովյան, Երկեր, հատ. 3, էջ 38.

²⁷ Նույն տեղում, էջ 176.

Դարավոր բռնապետությունը խորհրդանշող Երևանի բերդի անկման դեղարվեստական նկարագրությամբ *Խ. Աբովյանն ընթերցողներին է հասցնում այդ աղատադրական ակտի պատմական նշանակությունը, ընդգծելով, որ «զր- ժոխքի քանդվիլը մեղավորների համար էս դինը չէր ունենալ, ինչպես Երևանի բերդի առնիլը հայերի համար»*²⁸։ Նա նշում է, որ այդ փրկություն էր նաև ազրբեջանցիների՝ Հայաստանի «թուրքերի» համար։ «Երևան թևին տվեց, երբ ռուսաց զորքը իր մեջը մտան... թուրք ու հայ հենց իմացան, թե աստված վեր էկավ իրենց համար»²⁹։ Աղատադրության փաստը արձանագրելով չի սահմանափակվում մեծ դեմոկրատն ու ժողովուրդների բարեկամության մունետիկը, նա իմաստուն ծրագիր է տալիս իր ժողովրդին, որի բախտը մեկընդմիջտ կապվում էր ռուս ժողովրդի ու նրա պետականության հետ։ «Քանի որ մեր բերանումը շունչ կա, պետք է գիշեր-ցերեկ մեր քաջած օրերը մտքներս բերենք ու ռսի երես տեսնելիս՝ երեսներիս խաչ հանենք»³⁰։ Լ. Թումանյանը, *Խ. Աբովյանի* դադափարակիցն ու երկրպագուն, ճիշտ ու սպառիչ գնահատական է տվել նրա պատմավեստին։ «*Խ. Աբովյանը մոլեռանդ ռուսասեր էր, նրա «Վերք Հայաստանին» հայ ժողովրդի տանջանքի ու տենչանքի արտահայտությունը լինելով հանդերձ, միաժամանակ մի ոգևորված ջատագովություն է ռուս ազգին ու նրա պետական ուժին, և առաջ քաշել խաչատուր Աբովյանին՝ կնշանակի հայերի մեջ արժարժել նաև սեր ու համակրանք դեպի ռուս ազգն ու ռուս պետությունը»*³¹։ Աբովյանը չէր սահմանափակվում կատարվածի գնահատումով, նա հասկանում էր, որ ռուսների հետ բախտը կապելով, հայերը կանգնելու են իրենց տնտեսական, քաղաքական ու կուլտուրական զարգացման վստահելի մայրուղու վրա։ Նա կոչ է անում՝ «Աշխատենք ըստ մեր կարողության և հնարավորության ձեռք բերել օգտավետ դիտություններ, կրթել մեր միտքն ու սիրտը, ձեռք բերել ռուս լեզվի դիտություն և բարի քաղաքացիներ լինել։ Սրանով, հենց միակ սրանով մենք կարող կլինենք միանալ ռուս մեծ ազգի հետ, որի միայն անունը ներշնչում է ամենքին, մինչև իսկ օտարին, սեր և անձնվիրություն...»³²։ *Խ. Աբովյանը, հայերի, վրացիների և ազրբեջանցիների բարեկամության ջատագովը, կոչ է անում Անդրկովկասի ժողովուրդներին միավորել ուժերը ռուսների հետ՝ թշնամուն հաղթելու համար. «Վուղա, իմ մեծ քեռ, ես, քույր իմ Երասխ, համբոյր մատուցուք ի Կասպեան կոհակ։ Նա զիւր բարութիւն, ես զիմ խեղութիւն ի մի մեր մօր ծոց ընդ միմեանս խառնեսցուք»*³³։ Աբովյանը շատ մեծ հույսեր էր կապում այդ բարեկամության ու համագործակցության հետ, երբ պիտի ջնջվեր Չինդիզ խանի և Լենկթեմուրի հիշատակը և սկսվեր խաղաղ շինարարության շրջանը։ «Միայն քանդելու էին սովոր ասիացիք, շինություն ու խաղաղություն տեսան»³⁴։

Աբովյանը, ինչպես և Վրաստանի ու Ազրբեջանի առաջավոր մարդիկ մեծ հեռանկարներ էին կապում Ռուսաստանի հետ հատկապես լուսավորության ու կուլտուրայի զարգացման ուղղությամբ։

28 Նույն տեղում, էջ 179։

29 Նույն տեղում, էջ 177։

30 Նույն տեղում, էջ 58։

31 Լ. Թումանյան, Երկեր, հատ. VI, էջ 200։

32 Դիվան Խ. Աբովյանի, հատ. I, Ե, 1940, էջ 158։

33 Խ. Աբովյան, Երկեր, հատ. III, էջ 371։

34 Նույն տեղում, էջ 176։

Մ. Նալբանդյանը բարձր էր գնահատում ռուս ժողովրդի դերը, նրա դեմոկրատական կուլտուրան և մշտապես ընդգծում էր հեղափոխական վերակազմությունների համար ժողովուրդների համատեղ պայքարի անհրաժեշտությունը: «Ռուսիո աղատությունը ընդհանուր մարդկության վերաբերությամբ մեծ խորհուրդ ունի»³⁵: Նա չէր բացասում ազգային-ազատագրական պայքարի անհրաժեշտությունը Արևմտյան Հայաստանում, որտեղ սակայն չկային սոցիալական ու ազգային ազատագրության համար ժողովուրդների համատեղ պայքարի պայմաններ և անգամ հեռանկարներ, բայց և անհնարին էր հանդուրժել դարավոր լուծը: «Այսօր,— դրում էր նա,— ճնշված մարդերի համար ազգությունն է նոցա միակ դրոշը, որ կարող է բացվիլ բռնակալության ընդդեմ»³⁶: Ազգի աղատությունը հիմնական նպատակներից էր: Այդ է վկայում նրա «Իտալացի աղջկա երգը», մի կրթող կոչ՝ թեկուղ կյանքը ղոհաբերել ազգի փրկության համար.

Ամենայն տեղ մահր մի է,
Մարդ մի անգամ պիտ մեռնե,
Բայց երանի ուր յուր ազգի
Ազատության կզոհվի³⁷:

Նալբանդյանը նախընտրում է Ռուսաստանի տիրապետությունը Թուրքիայի տիրապետությունից, շեշտելով, որ եվրոպական տերությունները անդադար օգնություն են ցույց տալիս Թուրքիային, որպեսզի նա դիմանա և չկործանվի, «որպեսզի Թուրքիո ստրկացած հայ, սլավոն և հույն ժողովուրդը քաղաքակրթիչ հոգաբարձվից չզրկվի», «Ավետարանից թերեւ աղատություն կարող է ծագել, իսկ Կուրանից այդ երկյուղը չկա»³⁸: Նալբանդյանը (ինչպես և հայ դեմոկրատական մտքի ներկայացուցիչների հետագա սերունդը) հասկանում էր, որ արևմտահայության ազատագրման համար մղված պայքարում ևս կարելի է ակնկալել միայն Ռուսաստանի օգնությունը: Հայ մեծ բանաստեղծ Թումանյանը բացառիկ խորությամբ վերլուծել է հայ-ռուսական կապերի պատմությունը և ճիշտ բնութագրել Հայաստանի Ռուսաստանին միացման պատմական նշանակությունը: «Անցյալ դարու սկզբից Ռուսաստանը մտավ Կովկասի սահմաններն ու սկսեց իր պարսկական պատերազմները: էդ պատերազմները... ազգային սրբազան պատերազմի նշանակություն ունեին հայերի համար: Վճռվում էր պարսկա-հայկական հարցը... Հայ ժողովուրդը աղատվում է պարսկական դժոխքից»³⁹: Այդպես մասամբ լուծվում էր թուրքական տիրապետության տակ գտնվող հայության ազատագրման հարցը (Սև ծովի ափերին, Վրաստանում, ասյա և բուն Հայաստանում): Թումանյանը նշում է, որ Ռուսաստանը 1829, 1855 և 1878 թվականների ռուս-թուրքական պատերազմների ժամանակ «իբր ձեռքի տակ բերելով Ալեքսանդրապոլն ու Ղարսը և այլ շրջաններ— էդ մասերում էլ լուծեց հայ ժողովրդի կյանքի, գույքի և պատվի հարցը»⁴⁰: Իսկ Անդլիան «ամեն կերպ աշխատել է միշտ Ռուսաստանի դեմ ստեղ-

³⁵ Մ. Նալբանդյան, Երկերի լիակատար ժողովածու, հատ. III, էջ 61:

³⁶ Նույն տեղում, էջ 90:

³⁷ Նույն տեղում, հատ. I, էջ 97:

³⁸ Նույն տեղում, հատ. III, էջ 89 (ընդգծումը իմն է — Վ. Ո.):

³⁹ Հովհ. Թումանյան, Երկերի ժողովածու, հատ. IV, էջ 231:

⁴⁰ Նույն տեղում, էջ 231:

ծել մի պատվար, պաշտպանել է մերթ Պարսկաստանին, մերթ Տաճկաստանին և առհասարակ Ռուսաստանին թշնամի ամեն մի ուժ...»⁴¹, «...Ու՛վ Ռուսաստանի դեմ պաշտպանել է Տաճկաստանին, նա մեղսակից է տաճկական գաղանու-թյուններին, հայկական սարսափներին: Նա ուլատասխանատու է հայ ժողովրդի ծով արյան և մարդկության պատմության առաջ»⁴²: Մի քանի անգամ հայ ժողովուրդը, որ... իր համակրանքն ու սերը բաց ցույց էր տվել ռուսներին՝ Անգլիայի ձեռքով մատնվել է տաճիկ կառավարության վրեժխնդրության կատաղությանը», մինչդեռ «մեր մեջ հավատ կա արմատացած, թե Անգլիան ու Ֆրանսիան եղել են հայկական հարցի բարեկամները: Ինձ թվում է մեզ էս քաղցր մոլորության մեջ են գցել Գլադստոնի, Դիլլոնի, Բերարի, Պրեսանսեի նման լավ մարդկանց ճառերը... Իսկ իրենց պետությունները, որը միշտ եղել են Ռուսաստանի զորացման դեմ Արևելքում, դրա հետ միասին միշտ էլ դեմ են եղել հայկական հարցին»⁴³:

Պատմության փորձություններն էլ ավելի ամրացրին հայերի և ռուսների բարեկամությունը: Արևելյան Հայաստանի, ինչպես նաև Վրաստանում, Ադըրբեջանում, Ուկրաինայում, Ռուսաստանում բնակվող հայության հետագա ամբողջ պատմությունն ընթացավ ռուս ժողովրդի, նրա բարձրացող մեծ կուլտուրայի բարերար ազդեցության տակ, ապրելով խոշոր վերելք:

Ռուսական պրոլետարիատի հերոսական պայքարի օրինակով, մյուս եղբայրական ժողովուրդների հետ միասին, հայ աշխատավորական զանգվածները շարունակեցին իրենց գոտեմարտերը ազգային ու սոցիալական ճնշումների դեմ:

Հոկտեմբերյան սոցիալիստական մեծ հեղափոխությունը նոր հորիզոններ բացեց սովետական աշխարհի առաջ, վերածնվող հայության առաջ: Դեռևս կես դար չի անցել մեր ժողովրդի վերջնական փրկության բախտորոշ պահից, այն-ինչ Սովետական Հայաստանը դարձել է բալժը զարգացման հասած արդյունաբերության և գյուղատնտեսության առաջավոր հանրապետություն, գրականու-թյան, արվեստի, գիտության ու լուսավորության աննախընթաց վերելքի երկիր:

ПРИСОЕДИНЕНИЕ ВОСТОЧНОЙ АРМЕНИИ К РОССИИ

(К 140-летию присоединения)

В. К. ВОСКАНЯН

(Резюме)

Армянский народ, еще в средние века потерявший свою государственность и оказавшийся под невыносимым гнетом султанской Турции и шахской Персии, вел неравную, но упорную борьбу за свое освобождение. Во второй половине XVII в. окончательно сформировалась русская ориентация армянского освободительного движения. Присоединение Грузии и Азербайджана к России избавило от опасности физиче-

⁴¹ Նույն տեղում, էջ 229:

⁴² Նույն տեղում, էջ 230—231:

⁴³ Նույն տեղում, էջ 231—232:

ского уничтожения огромные массы армянского населения Закавказья и открыло пути освобождения Восточной Армении, что и было осуществлено в результате русско-персидской (1826—1828) и русско-турецкой (1828—1829) войн. Народы Закавказья, в том числе и армянский народ, считали эти войны справедливыми и освободительными. Прогрессивные деятели России делали все, чтобы облегчить участь армянского народа, оказать ему братскую помощь.

Присоединение Армении к России вызвало глубокое удовлетворение во всей Армении и в армянских колониях, рассеянных по всему миру. Вхождение Восточной Армении в состав русского государства способствовало совместной борьбе трудящихся России за свое социальное и национальное освобождение.